

Broj: Up/I-05-34-293/07  
Mostar, 03.11.2007.godine

Na osnovu čl. 200. Zakona o upravnom postupku ("Službene novine Federacije BiH", br. 2/98 i 26/00), a u vezi sa čl. 7. Zakona o privrednim društvima ("Službene novine Federacije BiH", br. 23/99), rješavajući po zahtjevu "Instituta za zaštitu, ekologiju i obrazovanje" d.d. Tuzla u predmetu broj: Up/I-05-34-293/07 od 24.09.2007.godine, federalni ministar energije, rudarstva i industrije, d o n o s i

## RJEŠENJE

1. Daje se saglasnost "Institutu za zaštitu, ekologiju i obrazovanje" d.d. iz Tuzle da može organizovati edukaciju i polaganje stručnih ispita radnika za rukovanje termoenergetskim postrojenjima i uređajima i posudama pod pritiskom (mašinista parnih kotlova sa automatskom i poluautomatskom komandom, mašinista crpnih stanica, rukovaoca parnih kotlova sa mehaniziranim loženjem, rukovaoca centralnog grijanja, rukovaoca parnih kotlova sa ručnim loženjem, rukovaoca kompresorom, rukovaoca pumpnim postrojenjem, ložača centralnog grijanja) prema ovjerenim Planovima i Programima teorijske i praktične obuke.

2. Ova saglasnost je jednokratna i odnosi se na konkretno traženu edukaciju i organizovanje stručnog izbora prema zahtjevu.

3. Rješenje stupa na snagu danom donošenja.

## Obrazloženje


"Institut za zaštitu, ekologiju i obrazovanje" d.d. Tuzla sa sjedištem u Tuzli, ul. Bosne Srebrene br.127, podnio je zahtjev ovom Ministarstvu, zaveden pod brojem: Up/I-05-34-293/07 od 24.09.2007.g, za organizaciju teorijske i praktične obuke i polaganja stručnih ispita radnika za rukovanje termoenergetskim postrojenjima i uređajima i posudama pod pritiskom (mašinista parnih kotlova sa automatskom i poluautomatskom komandom, mašinista crpnih stanica, rukovaoca parnih kotlova sa mehaniziranim loženjem, rukovaoca centralnog grijanja, rukovaoca parnih kotlova sa ručnim loženjem, rukovaoca kompresorom, rukovaoca pumpnim postrojenjem, ložača centralnog grijanja).

Federalni ministar energije, rudarstva i industrije u postupku rješavanja naprijed navedenog zahtjeva obrazovao je Stručnu komisiju koja je utvrdila uslove, izvršila pregled i verifikaciju dostavljenog Programa edukacije za organizaciju teorijske i praktične obuke i polaganja stručnih ispita radnika gore navedenih zanimanja. Stručna komisija je dana 03.11.2007.godine zapisnički konstatovala da je dostavljeni Program obuke podnosioca zahtjeva zadovoljavajući pa je isti ovjeren i odobren, te da su ispunjeni i ostali neophodni uslovi za odražavanje teorijske i praktične nastave.

Nakon izvršenog uviđaja i utvrđenog činjeničnog stanja, riješeno je kao u dispozitivu rješenja.

Protiv ovog rješenja ne može se izjaviti žalba ali se može pokrenuti Upravni spor podnošenjem tužbe Kantonalnom sudu u Mostaru u roku od 30 dana od dana prijema rješenja.

Federalna upravna taksa na podnijeti zahtjev priložena je po tar.br. 24a. u iznosu od 10 KM, kao i federalna taksa za izdato Rješenje prema tarifnom broju 19. tačka 3. u iznosu od 87.- KM uplaćena na račun Federalnog ministarstva finansija prema Zakonu o federalnim upravnim taksama i Tarifi federalnih upravnih taksi („Službene novine Federacije BiH“, br.6/98 i 8/00).



**DOSTAVLJENO:**

- "Institut za zaštitu, ekologiju i obrazovanje" d.d. Tuzla
- evidenciji 05,
- a/a